

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 15 OKTOBER 2014, PUKUL 10.00 PAGI

Bil. 35

PERTANYAAN-PERTANYAAN BAGI JAWAB LISAN

1. PR-1323-T64252
Dato' Noraini binti Ahmad [Parit Sulong] minta **MENTERI PENDIDIKAN** menyatakan penilaian Kementerian mengenai kesediaan institusi-institusi pengajian tinggi awam (IPTA) dalam melaksanakan dasar baharu yang mewajibkan setiap pelajar di institusi pengajian tinggi awam (IPTA) lulus penguasaan Bahasa Inggeris sebelum menamatkan pengajian masing-masing dan bagaimanakah kita boleh memastikan bahawa setiap pelajar yang lulus benar-benar dapat menguasai penggunaan Bahasa Inggeris.
2. PR-1323-L63715
Tuan Fong Kui Lun [Bukit Bintang] minta **MENTERI PENGANGKUTAN** menyatakan berikutan kejadian pesawat MH17 terhempas, bagaimanakah perkembangan untuk mendakwa pihak bertanggungjawab ke muka pengadilan antarabangsa dan sejauh mana kos yang ditanggung Kerajaan untuk mengurus dan membawa balik mayat-mayat yang terkorban serta jumlah pampasan yang dibayar kepada waris-waris.
3. PR-1323-L63452
Datuk Jumat bin Idris [Sepanggar] minta **MENTERI PELANCONGAN DAN KEBUDAYAAN** menyatakan apakah usaha Kementerian dalam memulihkan semula industri pelancongan khususnya di negeri Sabah yang terjejas selepas kejadian pencerobohan Lahad Datu dan juga insiden MH370.
4. PR-1323-L64807
Dr. Michael Teo Yu Keng [Miri] minta **MENTERI TENAGA, TEKNOLOGI HIJAU DAN AIR** menyatakan :-
 - (a) bilangan empangan dalam seluruh negara mengikut negeri, dan projek pembinaan empangan yang masih dijalankan atau bakal diadakan; dan
 - (b) jumlah kos penyelenggaraan bagi setiap empangan dan kos pembinaan bagi projek empangan yang masih dijalankan.

5. PR-1323-L64290
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI BELIA DAN SUKAN** menyatakan bagaimanakah Kerajaan membantu memberi kesedaran dan bantuan kepada belia hasil daripada perubahan kadar fiskal, kadar cukai dan landskap serantau kesan daripada komuniti ekonomi dalam isu kos sara hidup belia dan apakah status Dasar Belia Malaysia (DBM) yang dikatakan akan menggantikan Dasar Pembangunan Belia Negara (1997) yang dirancang oleh Kementerian sebelum ini.
6. PR-1323-L65149
Dr. Lee Boon Chye [Gopeng] minta **MENTERI KEWANGAN** menyatakan prestasi kewangan mengikut pendapatan dan untung/rugi syarikat Keretapi Tanah Melayu Berhad setiap tahun sejak dikorporatkan pada tahun 1992.
7. PR-1323-L64629
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan adakah pihak Kementerian bercadang untuk melaksanakan kaedah bayaran Elaun Sara Hidup (COLA) secara tetap kepada pekerja-pekerja tempatan.
8. PR-1323-L64823
Tuan Shamsul Iskandar bin Mohd Akin [Bukit Katil] minta **MENTERI SUMBER ASLI DAN ALAM SEKITAR** menyatakan :-
 - (a) adakah kejadian banjir kilat yang amat buruk di Melaka baru-baru ini berlaku berpunca dari Projek Pembersihan dan Pengindahan Sungai Melaka yang masih berjalan ; dan
 - (b) bilakah tarikh sebenar Projek Pembersihan dan Pengindahan Sungai Melaka akan siap kerana ia telah melangkaui dua tarikh iaitu Mac 2014 dan Jun 2014.
9. PR-1323-L63433
Datuk Juslie bin Ajirol [Libaran] minta **PERDANA MENTERI** menyatakan keberhasilan perintah berkurung yang telah dilaksanakan di perairan enam daerah di Zon Selamat Timur Sabah (ESSCOMM).
10. PR-1323-L64338
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan adakah pihak Kerajaan bercadang untuk mewajibkan tahap kepujian bagi mata pelajaran Agama Islam terhadap pelajar Islam.
11. PR-1323-L63850
Datuk William @ Nyallau anak Badak [Lubok Antu] minta **MENTERI DALAM NEGERI** menyatakan setakat mana tindakan diambil oleh Kerajaan terhadap ekstremis-ekstremis anti-kaum Dayak yang mengeluarkan kata-kata yang terlampau kesat dan menyinggung perasaan kaum Dayak di Sarawak supaya kita dapat menjalinkan keharmonian di antara orang beragama Islam dan bukan Islam di Sarawak dan Sabah.

12. PR-1323-L64194
Dr. Michael Jeyakumar Devaraj [Sungai Siput] minta **MENTERI SUMBER MANUSIA** menyatakan jumlah pekerja di bawah kontraktor-kontraktor yang sedang membekalkan perkhidmatan sekuriti, pembersihan pejabat dan halaman di Jabatan-jabatan Persekutuan dengan pecahan yang sedang menerima gaji minimum dan yang belum, dan juga pecahan Kementerian.
13. PR-1323-L64927
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan adakah Kementerian merancang membina beberapa buah sekolah menengah dan rendah khasnya Sekolah Menengah Berasrama Penuh di kawasan Parlimen Kota Samarahan bagi mengatasi masalah kesesakan pelajar.
14. PR-1323-L64909
Tuan Sim Tze Tzin [Bayan Baru] minta **MENTERI PENDIDIKAN** menyatakan :-
- (a) dari tahun 2000 hingga 2014, bilangan graduan lepasan Program Matrikulasi KPM setiap tahun; dan
 - (b) bilangan pelajar Program Matrikulasi KPM yang mendapat keputusan cemerlang iaitu PNGK/CGPA 4.0 sejak tahun 2000 hingga 2014 setiap tahun.
15. PR-1323-L63295
Dato' Seri Ong Ka Chuan [Tanjong Malim] minta **MENTERI PENDIDIKAN** menyatakan apakah kaedah dan langkah yang akan diambil oleh Kerajaan untuk memperkasakan penguasaan Bahasa Inggeris di kalangan siswazah di Universiti tempatan supaya daya saing mereka di peringkat antarabangsa dapat dipertingkatkan.
16. PR-1323-L65125
Dato' Haji Mahfuz bin Omar [Pokok Sena] minta **MENTERI KEWANGAN** menyatakan :-
- (a) senarai aset-aset hartanah yang dijual oleh Syarikat penerbangan Malaysia (MAS) serta senarai imbuhan penuh tahunan setiap tahun kepada Ketua Pegawai Eksekutif dan Lembaga Pengarah MAS bermula tahun 1995 hingga sekarang; dan
 - (b) jumlah '*bail out*' wang Kerajaan yang digunakan untuk menyelamatkan MAS setiap tahun bermula dari tahun 1995 hingga sekarang.
17. PR-1323-L65343
Tan Sri Datuk Seri Panglima Annuar bin Musa [Ketereh] minta **MENTERI KESIHATAN** menyatakan sebab berlakunya kelewatan dalam pelaksanaan Pusat Kesihatan bagi Pekan Kok Lanas dan bilakah projek ini akan disiapkan.

18. PR-1323-L63842
Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan kaedah kemasukan pekerja asing secara sah, selepas Kementerian mengharamkan kemasukan mereka melalui agensi dan apakah fungsi agen pekerja asing sekarang dalam kemasukan pekerja asing ke negara ini.
19. PR-1323-L64420
Tuan Haji Zainudin bin Ismail [Jelevu] minta **PERDANA MENTERI** menyatakan apakah status dan skop bidang kuasa Majlis Konsultasi Perpaduan Negara. Sehingga kini apakah kemajuan majlis ini dengan menyatakan perancangan dan resolusi yang telah dikeluarkan oleh majlis.
20. PR-1323-L64239
Tuan William Leong Jee Keen [Selayang] minta **PERDANA MENTERI** menyatakan kenyataan Timbalan Perdana Menteri bahawa Kerajaan bersedia meminda Akta Hasutan agar tindakan tegas boleh diambil terhadap mana-mana individu yang menggunakan media sosial untuk menyebarkan kenyataan yang berunsur hasutan, sedangkan Perdana Menteri pernah mengumumkan pada 11 Julai 2012 bahawa akta tersebut bakal dimansuhkan.
21. PR-1323-L63478
Datuk Dr. Makin @ Marcus Mojigoh [Putatan] minta **MENTERI PENGANGKUTAN** menyatakan :-
- (a) jumlah pampasan yang dibayar kepada keluarga mangsa tragedi MH370 dan MH17; dan
 - (b) kaedah pembayaran dibuat serta dibayar oleh pihak mana.
22. PR-1323-L64851
Tuan R. Sivarasa [Subang] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah status laporan berkala gabungan ketiga dan keempat CEDAW (*Convention on the Elimination of All Forms of Discrimination against Women*) oleh Kerajaan Malaysia yang sepatutnya sudah dihantar kepada Jawatankuasa CEDAW pada tahun 2008, dan bilakah Kerajaan akan menghantarkan laporan itu.
23. PR-1323-L63665
Dato' Abdul Manan bin Ismail [Paya Besar] minta **MENTERI DALAM NEGERI** menyatakan jumlah kes membabitkan isu sensitif seperti perbuatan menghina agama, institusi raja, kaum dan Kerajaan di laman sosial bagi tahun 2012, 2013 dan 10 bulan pertama tahun 2014.
24. PR-1323-L64757
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan adakah tanggungjawab Ketua Polis Negara kepada Menteri Dalam Negeri bagi kawalan dan arahan PDRM seperti yang termaktub dalam Seksyen 4(1) Akta Polis 1967 atau termasuk menerima dan menuruti arahan daripada Menteri.

25. PR-1323-L64021
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan institusi yang menjalankan program pembangunan guna tenaga dalam bidang Industri Petroleum dan Gas di peringkat sijil dan diploma.
26. PR-1323-L64890
Tuan Julian Tan Kok Ping [Stampin] minta **MENTERI DALAM NEGERI** menyatakan jumlah kanak-kanak di Sarawak yang tiada dokumen (*Stateless*) sah akibat perkahwinan tidak sah. Senaraikan jumlah mengikut kategori serta langkah Kerajaan dalam mengatasi gejala ini.
27. PR-1323-L63639
Datuk Bung Moktar bin Radin [Kinabatangan] minta **PERDANA MENTERI** menyatakan asas dan justifikasi atas hasil kajian peningkatan purata pendapatan rakyat di negara ini kepada RM5,900.00.
28. PR-1323-L64730
Tuan Teo Kok Seong [Rasah] minta **PERDANA MENTERI** menyatakan secara terperinci sejauh manakah perkembangan janji Perdana Menteri untuk memansuhkan Akta Hasutan 1948 yang akan digantikan dengan Akta Keharmonian Nasional.
29. PR-1323-L64212
Dato' Othman bin Aziz [Jerlun] minta **MENTERI PERDAGANGAN ANTARABANGSA DAN INDUSTRI** menyatakan pelan strategik yang telah dirangka oleh Lembaga Pembangunan Pelaburan Malaysia (MIDA) untuk menarik pelabur berkualiti ke dalam negara dan sejauh manakah insentif yang telah diberikan mampu memberi pulangan yang memberangsangkan kepada negara untuk jangka masa panjang.
30. PR-1323-L64369
Tuan Lim Kit Siang [Gelang Patah] minta **PERDANA MENTERI** menyatakan usaha dan langkah yang dilakukan setakat ini untuk mengatasi masalah pendatang asing tanpa izin di Sabah.
31. PR-1323-L63749
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan statistik orang yang gagal dan mengelak dari membayar cukai pendapatan yang telah dapat dikesan semenjak 5 tahun yang lalu. Berapakah jumlah hasil yang telah dapat diperoleh semula dan apakah usaha seterusnya bagi mengesan mereka yang masih terlepas.
32. PR-1323-L64410
Tuan Ignatius Dorell Leiking [Penampang] minta **PERDANA MENTERI** menyatakan :-
- (a) sama ada Rang Undang-Undang (*Malaysia Territorial Sea Act* 2012 atau Akta 750) mempunyai persetujuan daripada Dewan Undangan Negeri Sabah (sebab hal-hal Tanah adalah di bawah hak Sabah); dan

- (b) sama ada Akta 750 ini direka untuk memulihkan kehilangan kawalan oleh Kerajaan Persekutuan atas hak khas Sabah berkenaan dengan penentuan sempadan di negeri Sabah.
33. PR-1323-L64940
Datuk Haji Datu Nasrun bin Datu Mansur [Silam] minta **MENTERI KEWANGAN** menyatakan persiapan Malaysia dalam melaksanakan sistem percukaian *Goods and Services Tax* (GST) pada April tahun hadapan melalui pendaftaran syarikat dan perniagaan yang layak mengutip cukai GST, dan adakah Kerajaan bercadang untuk meletakkan pusat informasi GST di setiap kawasan parlimen di Malaysia bagi memudahkan rakyat dan syarikat memahami polisi sistem percukaian negara.
34. PR-1323-L65222
Tuan Mohamed Hanipa bin Maidin [Sepang] minta **MENTERI KEWANGAN** menyatakan :-
- (a) adakah 1MDB telah mendapat semula wang RM7.18 bilion berserta untung (jika ada) yang diletak di Pulau Caymen sejak September 2012; dan
- (b) adakah apa-apa siasatan dibuat atas 1MDB kerana menyalahi mandat syarikat tersebut apabila 1MDB meletakkan wang tidak digunakan (*unutilised fund*) yang dikumpulkan bagi tujuan pelaburan ke *segregated portfolio company* yang didaftar di Pulau Caymen dan jika ada, apakah status penyiasatan itu dan jika tiada, mengapa.
35. PR-1323-L65325
Datuk Rozman bin Isli [Labuan] minta **MENTERI PENGANGKUTAN** menyatakan adakah benar kenderaan dari Thailand juga akan dikenakan Permit Masuk Kenderaan (VEP) untuk memasuki Malaysia seiring dengan pelaksanaan VEP yang bakal dikenakan kepada kenderaan dari Singapura pada Januari tahun hadapan. Jika benar, berapakah nilai VEP yang bakal dikenakan, terutamanya kenderaan Singapura yang kini menjadi perbualan hangat masyarakat.
36. PR-1323-L63784
Dato' Takiyuddin bin Hassan [Kota Bharu] minta **MENTERI PENDIDIKAN** menyatakan sejauh manakah hasrat Kementerian untuk menghapuskan sekolah vernakular bagi mewujudkan sekolah satu aliran di negara ini.
37. PR-1323-L63650
Ir. Shaharuddin bin Ismail [Kangar] minta **MENTERI KERJA RAYA** menyatakan sejauh manakah pihak Kementerian bercadang untuk menaik taraf Lebuhraya Kuala Perlis Changlun memandangkan keadaan permukaan yang tidak rata, tidak cukup pencahayaan, kegagalan reka bentuk dan kurang penyelenggaraan.

38. PR-1323-L64387
Puan Nurul Izzah binti Anwar [Lembah Pantai] minta **PERDANA MENTERI** menyatakan :-
- (a) kos yang ditanggung Kerajaan bagi Suruhanjaya Siasatan DiRaja Penambahbaikan Operasi dan Pengurusan Polis pada tahun 2004 yang diketuai oleh Tun Mohamed Dzaiddin Abdullah; dan
 - (b) status pelaksanaan saranan suruhanjaya tersebut untuk menubuhkan Suruhanjaya Bebas Aduan dan Salah Laku Polis (IPCMC).
39. PR-1323-L63970
Tuan Er Teck Hwa [Bakri] minta **MENTERI KESIHATAN** menyatakan jumlah kenderaan keluar masuk ke Hospital Pakar Sultanah Fatimah Muar mengikut pecahan jenis kenderaan, milik pelawat dan pekerja, jumlah pekerja yang memiliki kereta dan bilakah tempat letak kereta bertingkat akan dibina.
40. PR-1323-L64510
Tuan Gooi Hsiao-Leung [Alor Setar] minta **MENTERI DALAM NEGERI** menyatakan berapa ramai rakyat Malaysia yang terlibat dalam berperang bersama militan negara Islam (ISIS) di Iraq dan Syria dan apa langkah-langkah yang sedang diambil oleh Kerajaan bagi memastikan semangat dan aktiviti militan mereka tidak merebak di Malaysia.
41. PR-1323-L64965
Tuan Loke Siew Fook [Seremban] minta **MENTERI PENDIDIKAN** menyatakan adakah Kerajaan memberikan peruntukan pembangunan secara sistematik kepada semua Sekolah Menengah Jenis Kebangsaan (SMJK) di seluruh negara dan jumlah peruntukan yang telah disalurkan kepada semua SMJK setiap tahun dari tahun 2004 hingga 2014.
42. PR-1323-L64181
Tuan Oscar Ling Chai Yew [Sibu] minta **MENTERI DALAM NEGERI** menyatakan bilakah Ibu Pejabat Polis Daerah Sibu akan di naik tarafkan kerana kebanyakan kemudahannya sudah rosak. Apakah langkah yang akan diambil untuk mengatasi masalah kekurangan *Investigation Officer* di Sibu.
43. PR-1323-L64005
Tuan Jeff Ooi Chuan Aun [Jelutong] minta **PERDANA MENTERI** menyatakan sama ada secara muktamadnya Akta Hasutan 1948 tidak akan dimansuh, dan dengan itu, kerja-kerja penyediaan draf Rang Undang-Undang Keharmonian Nasional akan digugur.
44. PR-1323-L65150
Dr. Lee Boon Chye [Gopeng] minta **MENTERI KEWANGAN** menyatakan hasil dari cukai eskport minyak kelapa sawit setiap tahun sejak 2009.

45. PR-1323-L65279
Tuan Tony Pua Kiam Wee [Petaling Jaya Utara] minta **MENTERI PENGANGKUTAN** menyatakan jumlah kos pembinaan KLIA2 dan apakah langkah Malaysia Airports Holding Berhad untuk mengatasi masalah lapangan terbang yang masih kerap berlakunya retakan dan tanah tenggelam di Apron dan Runway.
46. PR-1323-L64131
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan :-
- (a) sejauh manakah usaha-usaha dan inisiatif 'Membanteras Rasuah' yang dilaksanakan dibawah Bidang Keberhasilan Utama Negara (NKRA) menerusi GTP telah membuahkan hasil; dan
 - (b) apakah kedudukan Malaysia dalam Indeks Persepsi Rasuah (CPI) Transparency International dan adakah kedudukan kita bertambah baik atau buruk.
47. PR-1323-L64479
Tuan Lim Lip Eng [Segambut] minta **MENTERI DALAM NEGERI** menyatakan bilangan warganegara Malaysia mengikut jantina yang melibatkan diri dalam kumpulan militan di luar negara termasuk aktiviti Jihad Al-Nikah dan apakah tindakan undang-undang yang akan dikenakan oleh Kerajaan apabila mereka pulang ke Malaysia semula.
48. PR-1323-L65095
Dato' Seri Abdul Hadi bin Awang [Marang] minta **MENTERI LUAR NEGERI** menyatakan apakah maklum balas negara-negara anggota ASEAN terhadap pembunuhan beramai-ramai etnik Rohingya di Myanmar dalam Sidang Kemuncak ASEAN ke-24 yang juga diadakan di Myanmar baru-baru ini.
49. PR-1323-L63750
Dato' Fauzi bin Abdul Rahman [Indera Mahkota] minta **MENTERI KESIHATAN** menyatakan apakah Kementerian bersedia untuk menubuhkan satu badan Kebajikan Khas Kesihatan untuk membantu pesakit-pesakit kronik seperti barah dan kencing manis, memandangkan rakyat kebanyakan terpaksa menyerahkan sahaja kepada takdir kerana tidak mampu mendapatkan rawatan terbaik yang biasanya mahal.
50. PR-1323-L64668
Tuan Mohamed Azmin bin Ali [Gombak] minta **MENTERI KEWANGAN** menyatakan berapakah jumlah kos penggajian (*wage bill*) bagi Malaysia Airlines System (MAS) bagi tahun 2013.
51. PR-1323-L65001
Dato' Hasbullah bin Osman [Gerik] minta **MENTERI TENAGA, TEKNOLOGI HIJAU DAN AIR** menyatakan statistik loji rawatan sedia ada dan pembinaan loji dalam perancangan serta keperluan pembinaan loji tersebut bagi menjamin kecukupan bekalan air dirawat di negara ini.

52. PR-1323-L63367
Datuk Joseph Salang anak Gandum [Julau] minta **PERDANA MENTERI** menyatakan perangkaan berkenaan pengambilan kakitangan Kerajaan dan badan berkanun mengikut pecahan keturunan dan kategori pekerjaan semenjak tahun 2008.
53. PR-1323-L63573
Dr. Noor Azmi bin Ghazali [Bagan Serai] minta **PERDANA MENTERI** menyatakan model baharu ekonomi bakal mencecah 5 tahun pada 31 Mac 2015. Dimanakah Malaysia dalam konteks transformasi ekonomi negara dan apakah tindakan-tindakan utama yang baharu yang diperkenalkan bagi meningkatkan lagi proses transformasi ekonomi negara.
54. PR-1323-L65049
Tuan Sim Chee Keong [Bukit Mertajam] minta **MENTERI PENDIDIKAN** menyatakan status dan penjelasan terperinci tentang Advanced Medical and Dental Institute, Universiti Sains Malaysia di Bertam; berapakah kos pembinaan dan infrastruktur keseluruhan sejak diluluskan 2002, siapa kontraktor-kontraktor terlibat dan nilai kontrak, dan berapakah doktor pakar telah dihasilkan sehingga kini.
55. PR-1323-L65365
Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan setakat ini berapa ramai yang sudah ditahan, disoal siasat dan didakwa kerana terlibat dalam perbuatan di bawah Akta Hasutan.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(14 Oktober, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (14 Oktober, 2014)

2. (D.R 19/2014) **Rang Undang-undang Kewangan (No.2) 2014 Bacaan Kali Yang Kedua**

[Menteri Kewangan]
3. (D.R 10/2014) **Rang Undang–undang Penjara (Pindaan) (No.2) 2014 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**

[Menteri Dalam Negeri]
4. (D.R 11/2014) **Rang Undang-undang Tatacara Bacaan Kali
Kewangan (Pindaan) 2014 Yang Kedua**

[Menteri Kewangan]

- | | | | |
|-----|---|--|---|
| 5. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | “ |
| | | [Menteri Kewangan] | |
| 6. | (D.R 12/2014) | Rang Undang-undang Wang Tak Dituntut (Pindaan) 2014 | “ |
| | | [Menteri Kewangan] | |
| 7. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | “ |
| | | [Menteri Kewangan] | |
| 8. | (D.R 16/2014) | Rang Undang-undang Suruhanjaya Syarikat Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 9. | (D.R 17/2014) | Rang Undang-undang Pendaftaran Perniagaan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 10. | (D.R 18/2014) | Rang Undang-undang Perkongsian Liabiliti Terhad (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 11. | Menteri Kewangan akan mencadangkan:- | | |

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

‘Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

13. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Fi Jaminan”

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang.

Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]